

清光緒朝中日交涉史料

卷廿三之卷廿四
二十一年

清光緒朝中日交涉史料卷廿三

(一八六五)湖廣總督張之洞等奏籌備江防情形摺 經經電達總署在案 是倭頭品頂戴湖廣總督臣張之洞頭品頂戴湖北巡撫臣譚繼洵跪鞏固始足以消敵謀而靖礮臺增募營以資填劄而重防務恭摺具陳仰祈聖鑒事竊臣等飭各將嚴防嗣又於二十年七月初一日奉上諭倭人渝盟肇衅無理已極勢難再予宜飭各將嚴防嗣又於七月初一日奉旨德馨電奏現就防營中籌備勁旅三四營聽候南洋大臣調遣著劉坤一電知湖廣江蘇安徽等省一律仿照辦理俾數省聯爲一氣以清奸宄而固江防等因欽此均經恭錄咨行沿江文武水陸各營欽遵籌辦先是五月二十二日准劉坤一來電倭人謠稱將用兵入長江內登岸宜飭各將嚴防嗣又於七月初七日據稅務司穆和德致江漢關道惲祖翼函稱頃聞日人在滬上屢定熟悉江道之西人以作引港之用各等語近日漢口復查獲改裝雍髮之倭人亦經電達總署在案是倭人叵測窺伺長江蓄謀已久亟應豫爲籌防以期有備無患查江防首以營建礮臺爲先務鄂省雖地處上游而設險整軍本係不可一日不備之事自須防維鞏固始足以消敵謀而靖人心湖

北長江形勢以廣濟縣屬之田家鎮最爲扼要光緒十年湖北辦理江防曾經前督撫臣奏明在田鎮南岸牛壁山修建礮臺四座北岸馮家山修建礮臺一座惟所建礮臺皆係腹地舊式旣嫌簡略礮位亦不適用難資禦敵本年七月十三日臣等會同出省前往田家鎮詳勘地勢復經臣之洞再往覆勘擬於南北兩岸及中路當衝之吳王廟地方分建明暗礮臺十四座設法湊集後膛大礮派員駐守南岸原有石壘一座應培土作成斜坡並於南北兩岸分別開濠引水培築土隄以劄護臺步隊旣酌量安設水雷木牌此項臺工必須參考西法妥爲營建而一切工作尤須多用勇丁以軍法部勒始臻妥速鄂省營勇素單本屬不敷調遣前駐襄樊一帶之馬隊三營五百名現奉旨飭派湖北提督吳鳳柱統帶馳赴天津聽候調遣襄樊楚邊重地不能一日無勇營鎮懾必須募勇填劄前經由電奏明在案查馬隊三營五百名必須步隊兩營始能相抵已飛調駐劄岐亭一帶緝私之提督周得升鼎字一營並委副將錢永林募馬隊二百名前往襄樊填劄所遺黃陂麻城等處緝私地段已飭記名提督吳建瀛趕募一營名爲武勝新營前往填劄所有田家鎮礮臺專派統領鐵字三營之提督熊鐵生修造扼守添募鐵字前後二營前營委副將蕭光友管帶後營委署漢陽鎮標中軍遊擊章文彬管帶刻日募齊由熊鐵生統帶五營前往田鎮分割南北兩岸趕辦礮

臺工程其吳王廟礮臺查有廣東差委來鄂遊擊吳良儒熟悉礮臺法式飭令募勇一營名
爲武勝前營前往修造設防其省防勇營除鐵字三營移劄田鎮及鴻字營分撥孝感黃陂
等處緝私大治鐵山運道馬鞍山煤廠等處彈壓外鴻字營存省者不足兩營及武防一營
過形空虛茲令添募一營因提督宋德鴻老病請假改委記名總兵常遠藻統帶因鴻字營
向劄武勝門外卽將該軍新舊四營改名爲武勝營以昭核實新募之前營委遊擊歐陽榮
章管帶右營改委副將吳清泰管帶其常遠藻原帶之升字兩營改委記名總兵署漢陽協
副將俞厚安統帶以上各營除緝私之武勝新營及駐劄襄樊之馬隊一營此兩營係爲填
補馬隊三營緝私地段外實止增募四營均令迅速募齊分將田家鎮吳王廟等處礮臺妥
爲修造卽令操演後膛礮準槍惟礮弁礮目礮手精熟者甚爲難得薪糧必宜從優現擬
酌量仿照南洋各礮臺章程辦理臣等自當督飭各將領修造礮臺務令精堅合法訓練士
卒悉成勁旅以副聖主慎重江防有備無患之至意再各營正在分飭辦理之際欽奉電旨
飭調鐵字五營迅速北上自應欽遵辦理所有田鎮防營應卽另行委員募營填劄以重防
務其詳晰情形續行具奏合併陳明臣等謹合詞恭摺具陳伏祈皇上聖鑒謹奏光緒二十
年十月初一日奉硃批知道了欽此

(一八六六)軍機處奏錄呈總理各國事務衙門與漢納根問答節略片

光緒二十年十月初一日
洋務檔

據總理各國事務衙門送到漢納根問答節略一件照錄呈覽謹奏十月初一日

(一八六六)附件一 總理各國事務衙門與漢納根問答節略

問以現在倭兵已越奉邊關外防務更喫緊據你看來刻下應以何法制勝漢云據我看有三樣辦法一要接濟宋提督兵力並須請旨令其毋與倭兵大戰亦不可不戰如遇倭來與之小戰以牽綴之且戰且走一步步緩退此閒後路接應亦可趕到一要速買智利出售戰船一要加練新軍十萬三者並行闕一不可問以倭兵甚多必用包鈔之法宋提督緩戰緩退一層恐不濟事漢云倭兵每日只行五六里並須沿途買食即便前進不能甚快但宋提督身膺大帥必不肯退守蹈退縮之愆所以必須旨意令其固守鳳城伊即可防包鈔之患問以你所說固爲防直隸起見但倭直趨瀋陽又當如何漢云所以購船買械加練陸軍彼雖到瀋陽我們兵力一足仍可驅逐退回我的見解現在應顧直隸北京不能顧奉天了答

以奉天爲根本重地豈能任其長驅大進漢云倭欲到瀋陽不過知中國必重根本彼時據
地索費當可如願至於陵寢一層可保無虞緣倭現在事事效法西國如兩國用兵燒殺搶
掠毀壞坟墓等事皆爲西國軍律所大忌倭必不爲答以倭素狡詐此話未必靠得住又問
以大連灣後路之皮子溝又有倭兵登岸你知道麼漢云我不知登岸有多少人答以二千
餘人漢云皮子溝距大連灣尚有二百六十里北路倭兵係爲斷鳳城後路而來現在惟有
添兵助宋提督嚴扼鳳城爲妙問以添兵助宋需兵若干漢云需四五萬又問你知大將中
尙有何人可以知兵漢云知兵人總有一時亦難說出此非真有膽識不敢妄許問以你所
說加練新兵十萬應於何省招募天津人可用麼漢云天津人甚好若募四萬人兩月可以
招齊此外山東山西河南亦可招數萬間以幾時可以練成漢云至快亦須六箇月然稍習
步武沿路赴防亦藉可操練如見一小仗勝於操練一月間以海軍各艦修齊否漢云六船
修齊可以出海惟欲制倭仍須趕緊購買快船買妥後配齊礮彈子藥護送陸路所需器械
一齊來華現雖在外洋買軍械若遇倭船恐被搶截若用自買七船兼運軍械百無一失且
須僱洋人管帶若在海面遇見倭船只管開仗管帶的洋人到津後亦可與海軍各船互換
水陸皆可制勝否則單辦一邊徒勞無益聞智利有鐵甲快船大小七隻甚好宜急訂買問

以如買妥須幾時可以到華漢云大約六十天問以價值幾何漢云我不知道我不是當經紀的到此緊急地步我勸列位大人勿惜錢財所費者少保全者大買船一事實爲當時要務千萬不可惜小費誤大事如海軍勝了尙可到長崎游弋將來不惟奉天倭人不能久佔即朝鮮仍須退出亦未可知告以汝所說各節皆中竅要何防開一詳細節略我們看看漢云已有節略遲日送上遂閒談而去

(一八六七)北洋大臣來電

光緒二十年十月初一日到
電報檔

滬局電倭現以兼海部大臣提督伯爵浚藤調度前敵海軍並派幼子於兵艦充當武員伯爵大山爲統領駐韓第二軍伯爵井上馨爲駐韓公使將大鳥撤回政府擬向民間續借國債洋五千萬元兵部前飭趕造手車四萬七千輛現又續趕二萬輛並飭趕造絨氈四萬條爲戰兵之用橫濱日宰牛百五十頭趕醃運韓爲兵食云鴻東申

(一八六八)南洋大臣來電

光緒二十年十月初一日到
電報檔

前因倭兵竄越奉邊近畿防務喫緊奉旨飭坤一在三省防營中抽調五六千人業經酌派

劉光才五營北上由電奏明嗣聞軍情益緊北路能多一營究得一營之力又經電商皖撫現福潤飭令提督宋朝儒統帶省城練軍一千五百人迅速起程亦遵陸北上該提督係淮軍宿將又期得力惟三營兵單該提督與前湖北提督程文炳同是淮人似可合摺請代奏

坤一先

(一八六九)津海關道來電

光緒二十年十月初一日到
電報檔

倭寇大股已渡鴨綠江分股由皮子窩登岸恐直犯金復如大連灣旅順一失不僅花費千萬盡擲且船鴻被奪水師難再戰此一危也自邊門至山海關千餘里并無重兵宋帥全軍潰退兵無戰志即使摩天嶺險要可守尙有別路可趨瀋陽赴援無人奉省一失吉黑兩省隔斷此一危也如旅順隔則渤海門戶失如瀋陽陷則山海關屏障撤敵餓愈張京都震動各省皆無勁旅勤王之師不及當年用兵之時指麾可集此西人之所以移家也湘淮將領多不服西法雖亦購其槍礮習其操陣僅學皮毛不求精奧葉提督函稱倭兵頭目有俄人法人在內平壤九連兩戰兩北可信西法用兵實勝中法查德國陸隊二百五十人爲一哨一千人爲一營六千人爲一小軍一萬二千人爲一大軍額不缺餉不扣槍礮不雜號令不

岐敢請速練槍隊兩大軍計二萬四千人礮隊一軍計三千人馬隊一軍計三千人募德國帶兵官五百餘人爲統領營哨官皆一漢人一西人相輔而行擬結李傳相先派武備學堂德國教習先練五百人爲規式如蒙奏准卽電德國趕緊選募洋員一面選將募勇得六個月可操練成軍所用洋槍須購小口徑槍毛瑟連珠快槍并購克虜伯快砲俱購一律將來須設法購械自造子彈得此陸隊爲遊擊之師近守遠攻當能所向皆先此陸軍必勝之着也倭人橫行無忌利在水師得力多而且快輒以兵船護送運船數十隻裝軍登岸我師以船少駛緩不能擊其運船牙山大鹿兩戰沈我戰船六艘船單未便塵戰再有失械添船實屬急務智利快船屢經龔使議購未成實由使館辦事耳目昭彰彼族輒以局外例相繩現訪得智利快船南花旗安勤泰邦快船俱係阿莫斯莊廠新造據該廠經手洋商補海斯岱面稱如派伊出洋密速購辦可期買成卽阿廠現造能走廿四海里之頭等快船他人不能買伊亦可設法代買數月可成如得此極精快船三四號再配以小快船數號獵船雷船數號便可成軍有數船一起來華中途亦無慮截擊惟此等快船必須配用洋員會同統帶餉械亦派洋員會同收發此海軍必勝之着也以上海陸兩軍倭事不了固當速辦以制兇悍倭事卽了亦當辦成以壯國勢或謂緩不濟急然濟急無法豈能束手坐視三年之艾須求

半年之効斷難再使六月間開辦已三月矣如行路然不怕不到但怕不走且使敵人知我有備戰之心卽講解亦或少易故戰有益講亦有益也購槍礮之費約須六十萬磅擬與克虜伯訂先付定銀十萬磅其餘五十萬磅一商後分作五年歸還每年還本十萬磅息按長年五釐較銀行可稍省購快船之費約需一百五十萬磅現與奧國人倫道阿與約牌銀行議借一百十三萬六千三百六十三磅除現扣實付一百萬磅周息四釐半連現議之利核與長年六釐彷彿分三十年還清每年應還本息七萬磅左右如買船須添借五十萬磅每年共應還本息十萬數千磅約合銀七八十萬兩似尙輕而易舉如蒙奏准請由總署或北洋與龍使許使電商及早定議萬一倭人謠惑恐更居奇與其零辦不如薦辦與其遲辦不知速辦練兵之費一年約需費三百萬兩津海關與長蘆運司現遵部章先備華商一百萬兩數月收齊即可留爲開辦經費其餘二百萬兩擬請由粵海借款內酌撥或謂糜費甚多抑知購船械二百萬磅遲早必須籌辦戰時比平時不過多費十之二三仍爲國家置有用之物且爲目前捍非常之患何吝之有若練兵三百萬兩較之調募各省零星無用之兵轉於尋常之兵則可酌爲拱衛以僂小國尙有五萬強兵常年聚集我練三萬不爲多也如不

及尋常之兵則一年後仍可留舊而撤新愚昧之見事勢至此不敢不披瀝直陳伏乞鈞裁
代奏津海關道盛宣懷電票

(一八七〇)軍機處奏商閱發下電報擬繕諭旨進呈片 光緒二十年十月初一日
蒙發下電報臣等公同閱看除已奉旨飭辦各件外裕祿電稱金州後路緊急程之偉所部
約抵蓋平請留於金州會同連順徐邦道趙懷業防守現在旅順路阻程之偉不克到防擬
請旨照准謹繕擬電旨一道恭呈御覽謹奏

(一八七一)軍機處電寄李鴻章諭旨 光緒二十年十月初一日
電寄檔

奉旨裕祿等電奏已悉金州後路已有賊蹤情形緊急程之偉赴旅之軍約抵蓋平恐前路
已爲賊阻著卽留於金州會同連順徐邦道趙懷業等合力防剿其旅順一帶防務仍著李
鴻章速籌布置勿稍疏虞欽此十月初一日

(一八七二)軍機處電寄裕祿諭旨

光緒二十年十月初一日
電寄檔

奉旨前據依克唐阿奏報在長甸駐紮自賊蹤隔絕後現退紮何處著裕祿探明具奏榮和所招獵戶又成幾營有無信息並著裕祿電覆欽此十月初一日

(一八七三)閩浙總督譚鍾麟奏訂購外洋軍械進呈清單摺

光緒二十年九月十二日

太子少保頭品頂戴閩浙總督臣譚鍾麟跪奏爲閩省現購外洋軍火等項開單陳明仰祈聖鑒事竊臣前奏籌辦防務摺內聲明所需外洋槍械軍火隨時設法添購不及先行奏咨立案茲准海軍衙門覈覆現在海防戒嚴實爲平時不同此後如有購買外洋軍火等項先行電奏請旨覈辦等因自應遵照辦理惟倭人渝盟事起倉猝水師提督楊岐珍南澳鎮總兵劉永福奉命渡臺隨帶兵勇急需槍彈配用此外新舊各防營亦紛紛請領軍火刻難緩待當向江南機器局添購洋火藥一十萬磅並向洋商先後訂購槍彈軍火以應要需值此海道戒嚴各省採購者多價值驟漲又須另給保險之費其價值多論馬克應俟付清再合銀數所有購買軍火各項數目及船廠添購各件銀數已定者先行開報奏咨立案此後如有續購應照海軍衙門來咨先行電奏請旨遵行據各司道呈詳前來臣覆覈無異除分咨查照外謹繕清單恭摺具陳伏乞皇上聖鑒謹奏光緒二十年十月初二日奉硃批該衙門

知道單并發欽此

(一八七三)附件一 閩省購外洋軍械清單

謹將閩省現購外洋軍火物件敬繕清單恭呈御覽謹開

一購廈門礮臺二十八生克鹿卜大礮用三倍半口徑長鋼彈一百六十顆四倍口徑長生
鐵開花彈四十顆炸藥一千五百啓羅打仗用火藥三百出銅螺絲拉火三百枝
一購德國毛瑟槍五千桿

一購毛瑟彈子五百萬顆

一購淨白硝二十萬觔

一購金底銅帽一千萬粒

一船鴻添購拉船機三副水力機一副併配鐵水管等件價腳共銀一萬二千九百餘兩

一修理運糧中號快輪船船臺工料共銀九百餘兩

硃批覽

(一八七四)總理海軍事務和碩恭親王奕訢等議奏李鴻章請撥備倭餉需及定購

快船各款摺 光緒二十年十月初三日

總理海軍事務各國事務和碩恭親王臣奕等謹奏爲遵旨速議具奏事直隸總督李鴻章奏北洋備倭餉需及定購快船各款不敷請添撥備用一摺光緒二十年九月二十五日奉硃批該衙門速議具奏欽此由軍機處鈔交到部查原奏內稱北洋備倭經費六月間經海軍衙門奏撥存津鉅款本銀一百五十萬兩戶部奏撥銀一百五十萬兩續由臣奏准借撥廣東海防捐輸銀六十萬兩又長蘆運司籌撥正課及復價銀二十萬兩各商借墊帑利銀四十萬兩共銀四百二十萬兩旋於七月間奉旨添撥快船由海軍衙門奏撥存津鉅款一百萬兩戶部奏撥銀一百萬兩均經飭由海防支應局分別收領隨時報咨各在案茲查部撥銀一百五十萬兩已如數收齊海軍鉅款本銀一百五十萬兩現已收過銀一百八萬二千九百兩截至年底約可收銀四十餘萬兩廣東海防捐輸銀已解到四十萬兩下餘二十萬兩業經電催即可匯到長蘆運司所撥正課及復價銀二十萬兩亦已解局其各商借墊銀四十萬兩約計年內當可解收以上共計收過銀三百十八萬餘兩未收銀一百餘萬兩支款則自本年六月間起至九月中旬止共支過新募各軍正雜餉需長途轉運經費並租

用輪船購備料物等件銀一百十九萬餘兩又先後訂購西洋各項快礮五十六尊各項快
槍二萬八千三百二十餘枝大小各項槍礮子彈一千五百二十餘萬顆以及礮架雷網等
項事在急需包商密運價腳保險均照尋常加倍約合銀二百二十三萬餘兩現已先付過
定銀一百四十八萬餘兩而貨尙未到年內外各項槍礮到齊尙需找付銀七十四萬餘兩
又續購海軍各船需用大小開花礮彈三萬餘顆價腳等項估需銀十餘萬兩新購洋商愛
仁輪船以供運解價銀十四萬兩餘付尙應找給銀九萬兩威海各處籌辦堵口工料並添
設水雷營建造房屋等工約銀七八萬兩又自本年九月分起截至本年正月底開河時止
新募各營六十餘營月需餉雜等銀二十萬兩預籌五個月餉銀約一百餘萬兩前敵諸軍
轉運各費約五十萬兩備購各項料械賞卹雜支約二十萬兩以上已支及待支各款合工
銀五百四十餘萬兩除將奉撥已收未收各銀四百二十萬兩儘數抵支外仍短銀一百二
十餘萬兩此外如再添購大批軍火加募勇營尙須另行籌撥此備委經費一款收支不敷
急待添撥之情形也定購快船一款業經籌墊銀一百九十四萬餘兩匯付倫敦此項船價
原由部撥各省銀一百萬兩現已收過銀六十三萬九千餘兩下短銀三十六萬餘兩年內
冀可收齊另撥海軍鉅款之一百萬兩年內所收計僅八萬兩有奇查原存海軍鉅款本銀

二百六十萬兩分存生息自奉撥後陸續提還計匯豐銀行存銀一百七萬二千九百兩已全數收齊德華銀行存銀四十四萬兩年內到期應僅繳銀十一萬二千五百兩怡和洋行存銀五十五萬九千六百兩年內到期應僅繳銀二十萬兩其餘均須明後年期滿方能催收至開平礦局領存五十二萬七千五百兩迭經飭提據稱前領存款均爲該局添購運船接開新礦之用刻下戰事一開海道難通煤銷頓滯海軍各臺局需煤正急加工趕採年內尚可運交塊煤肆萬餘噸約抵還銀二十萬兩餘容設法陸續措繳以上各款共計年內應收銀一百五十八萬五千四百餘兩除撥一百五十萬兩歸入備倭經費支用外其船價僅存銀八萬五千四百兩連部撥一百萬兩併計核與原撥二百萬之數尙短銀九十餘萬兩所匯外洋船價均在備倭各款內挪摺湊付而庫空如洗實已顧此失彼此購船經費一款收支不敷急待請撥之情形也現當封河伊邇陸運尤艱費用尤鉅若不亟爲預籌迅請撥款接濟深恐貽誤軍需北洋常年額支各款向仰給於他省隨到隨用毫無積蓄一旦有事征兵購械無非臨時猝辦事難費增數倍於平日海軍衙門及戶部原撥各款通盤籌畫自本年九月起至明年正月底止收支相抵委實不敷甚鉅所有定購快船一款下短銀九十餘萬兩既因原撥海軍鉅款約定期限未能驟提暫在備倭餉款內挪摺不得不另請撥補

免誤餉需查光緒十年六月籌購大批軍火曾經奏准借撥出使經費銀四十餘萬兩現在出使經費積存尙多而籌添快船尤關緊要銀已照數墊匯可否仍在出使經費內借撥銀九十萬兩飭江海關道於封河前匯津應用以補海署原撥之數卽以奉撥海軍之鉅款本銀抵還俟各存款到期陸續提繳俾得移緩就急藉濟要需至備倭經費通盤預計所短銀一百二十萬兩待用萬緊請照數添撥派員趕領撙節動支至續有添購大批軍火添募勇營容隨時估計等語臣等伏查北洋備倭經費及訂購快船前經戶部會同海軍衙門先後籌撥銀五百萬兩此外尙有廣東海防捐輸銀六十萬長蘆課價商墊銀六十萬兩均經奏准行知在案茲查備倭經費該督聲明已支及待支各款共銀五百四十餘萬兩除抵支出仍短銀一百二十餘萬兩待用孔殷亟應照數添撥臣等公同商酌擬在部庫領存內帑項下提銀一百二十萬兩撥解北洋應用以濟急需又訂購快船價銀戶部撥銀一百萬兩年內可以到齊海軍鉅款一百萬兩須明後年期滿方能催收所匯船價暫在備倭餉內挪墊實尙計短銀九十餘萬兩該督擬借撥出使經費銀九十萬兩一節總理衙門查北洋大臣奏借使費係指海軍撥款抵還惟出使經費粵海關欠解甚多南北洋海軍戶部先後借撥亦復不少現在實存銀數有無九十餘萬兩之多虛困徒指恐誤事機使費要需又不能